



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

26. An Cardinales possint succedere in feudis? Et an tali casu admittantur
ad seruiendum per substitutum? Ex p. 5. tr. 2. res. 70.

[urn:nbn:de:hbz:466:1-76442](https://nbn-resolving.org/urn:nbn:de:hbz:466:1-76442)

RESOL. XXIII.

An electus ad Cardinalatum priora beneficia amittat? Ex part. 5. tr. 2. Ref. 11.

§. 1. Negativam sententiam docet Albanus de Cardinalibus, q. 22. privileg. 20. Laudensis de Cardin. p. 42. Lovichius in Thesaur. ver. Cardinalis, §. 7. Bertachin. de Episc. part. 1. lib. 2. q. 21. & Azorius part. 2. lib. 4. c. 3. q. 5. quorum tamen resolutionem intelligit in beneficiis inferioribus non curatis, nec habentibus dignitatem P. ureus decis. 438. alias 428. lib. 2. Sed hac de re extat Consistoriale Decretum incip. Sanctissimus, sub die 16. Martij 1588. inter Constit. Sixti V. 79. in Bullario novo, tom. 2. pag. 627. in quo sic habetur. Sanctissimus Dominus N. Papa Sixtus V. decrevit, quod per promotionem ad Cardinalatum vacant omnes Ecclesie, & omnia beneficia cuiuscumque nominis, & tituli sint, nisi fuerit data retentio, quae concessa intelligatur & data ad Patriarchales, Metropolitanas, & Cathedrales Ecclesias, ad Monasteria etiam commendata, ad Prioratus, & ad caetera omnia beneficia, quae videntur convenire dignitati Cardinalatus. Ad alia vero quae videntur repugnare dignitati, & gradui Cardinalatus, puta Archiepiscopatus, Archidiaconatus, Decanatus, Canonicatus, & similia beneficia non extendantur, cum obtinentes huiusmodi beneficia teneantur residere in choro, & habere debeant locum post Episcopum Cardinalis dignitati non convenientem. Vide Parisium de resign. benef. lib. 3. q. 1. n. 66.

RESOL. XXIV.

An Cardinales solvantur legibus, qua prohibent duo, aut plura beneficia simul habere, ut patet in cap. De multa. & Extrava. de Praebendis?
Et an Cardinales habeant privilegium, quod beneficia suorum familiarium non possint conferri iper Papam sine consensu Cardinalis Patroni?
Et an pari ratione Cardinalis Legatus quaecumque amplissimam potestatem habens conferendi beneficia, non possit conferre vacantia per obitum familiaris Papae vel Cardinalis? Ex part. 5. tr. 2. Ref. 41.

§. 1. Negativam sententiam docet Abb. in cap. bona memoria, de postulat. in cap. ex gestis, de Cler. non resident. & in cap. Ecclesia vestra, de elect. cum multis aliis. Sed affirmativam sententiam docet Hostiensis in cap. Ecclesia vestra, de electione, & alij quos citat & sequitur Barbatia de Cardinal. quest. 12. num. 6. cui adde Hieronymum Manfred. de Cardinal. decis. 208. & Martinum Laudensem de Cardinal. q. 42. & ratio est, quia regimini Ecclesiae universalis inuigilant, & consequenter cuicumque particulari Ecclesiae dicuntur deseruire. Secundò Cardinales, ut supra dictum est ex cap. felicis de penis in 6. sunt pars corporis Papae: ergo iura prohibentia aliquem habere duas dignitates, non comprehendunt Cardinales: consuevit enim Papa in constitutione sua, quando vult comprehendere Cardinales, facere expressam mentionem de illis Venerandis Patribus, cap. 1. de scribis. lib. 6. Tertio facit. Ad eum casum non adaptatur constitutio, ad quem casum non adaptantur verba sua, I. quod constitutum, ff. de testament. milit. cap. indeminutibus, §. sed cum eas, de elect. lib. 6. cum similibus. Sed verba cap. de multa, de praeb. & dicti cap. dubium, & illius Extrava. Execrabilis, non adaptantur ad Cardinales: ergo non habent locum in Tom. IX.

eis, per supradicta, ergo minimè debemus extendere illa iura ad Cardinales. I. nominis & rei, §. verbum ex legibus ff. de verb. signif. l. si servus, §. non dixit Praetor, ff. de acquir. hered.

2. Sed si quis stare velit in prima opinione, dicendum est cum Azorio tom. 2. lib. 4. cap. 3. q. 4. & aliis, quòd in Cardinalibus iusta subest causa, Romani Pontif. Indulgentiae ut ab huiusmodi legibus soluti plura Ecclesiastica beneficia consequantur: nam, ut habetur in Extrava. Execrabilis, de praeb. inter Extrava. Ioan. XXII. Cardinalibus conceditur, ut plura beneficia simul habeant. Item, in cap. multa, de praeb. dicitur iusta causa est ad plura beneficia possidenda si quis sit doctrina, fama, industria, & prudentia clarus, cuius opera & diligentia maxime utilis esse credatur: Ecclesia enim talibus vitis indigere videtur, & ob id eis multa concedi posse constat, quae caeteris merito denegantur, insinuat lex in cap. cum ex eo, de elect. in 6. Nam idcirco egregiis, strenuisque militibus, & ducibus maiora stipendia & praemia tribuuntur, praesertim cum ob splendorem & excellentiam personarum à rigore legum recedi possit. I. ad bestias ff. de penis, & Cardinales honoris, amplitudinis, & dignitatis autoritate praesent: ergo, & c. Et hanc sententiam docet etiam Sebastianus Caesar de Eccles. Hierarch. part. 1. dist. 2. §. 5. num. 12. ubi docet Cardinales plura beneficia incompatibilia posse facili ex dispensatione obtinere.

3. Notandum est etiam hinc obiter, Cardinales habere privilegium, quòd beneficia suorum familiarium non possunt conferri per Papam sine consensu Cardinalis Patroni. Ita Egidius Bellen. consil. 19. n. 2. vers. 5. ubi subdit quòd pari ratione Cardinalis Legatus quaecumque amplissimam potestatem habens conferendi beneficia non confert vacantia per obitum familiaris Papae, vel Cardinalis. Ita Cardinalis Tusch. tom. 1. lit. C. concl. 100. n. 42. & post illum Barbosa de iure Eccles. lib. 1. c. 4. n. 84.

RESOL. XXV.

An Cardinales possint presentari ad beneficia iuris patronatus?
Et quid de Episcopis circa hoc? Ex part. 5. tractat. 2. Ref. 15.

§. 1. Respondeo quòd licet Episcopi non possint praesentari ad beneficia iuris patronatus, nisi prius habeant super hoc dispensationem, ut vult Abbas in c. Ecclesia vestra, de elect. n. 3. tamen Lambertinus p. 1. lib. 1. q. 7. art. 16. & Vivianus in praxi iuris patron. lib. 6. c. 10. n. 38. concludunt, Cardinales posse praesentari ad beneficia iuris patronatus.

RESOL. XXVI.

An Cardinales possint succedere in feudo?
Et an in tali casu admittantur ad servendum per substitutum? Ex part. 5. tr. 2. Ref. 70.

§. 1. Negativam sententiam tenet Barbatia de Cardinal. quest. 4. num. 13. Intrigliolus de feudis cent. 2. art. 1. num. 161. & 162. Riminaldus iunior, lib. 3. consil. 527. num. 44. Masullus in addit. ad Cyprium. decis. 70. n. 5. Menochius lib. 3. consil. 202. n. 140. & lib. 2. consil. 181. n. 71. & alij penes ipsos, quia in iure Cardinales in materia feudorum non reperiuntur privilegiati.

386 Tract. VII. De Potestate & Priuilegiis

2. Verum alij putant Cardinales posse in feudo succedere proxi alij laici nullum habentes impedimentum, quia tanta dignitas non debet eis detrimentum, sed potius incrementum afferre, & ideo Cardinales in tali casu admittunt ad seruendum per substitutum, & ita docet Iason *lib. 4. conf. 119.* & *lib. 1. conf. 13.* Anna *sig. 70.* Sylluanus *conf. 3. n. 54.* Marta de *iur. fed. part. 4. cent. 1. cas. 97. n. 5.* Duchas *reg. 103. fallent. 14.* Pancirolus *conf. 111. num. 2.* & alij, quibus omnibus adde Anastasium Germonium *de sacra immunit. lib. 3. cap. 6. n. 66.* & Zechium de *republ. Christ. tit. 3. de Cardinal. n. 9. priuileg. 11.* asserunt Cardinales succedere in feudis paternis, seu auitis. Vide etiam decisionem Rotæ coram Eminentissimo & doctissimo Verospio die 14. Ianuarij 1616. apud Farinacium *tom. 2. decis. 703. num. 6.*

RESOL. XXVII.

An Cardinales eo ipso soluti sint à patria potestate in his, quæ ipsis sunt commoda, non autem ut amittant ius suorum heredum?

Et an filij Familias testari non prohibeantur de bonis, quæ habeant, prius quam efficerentur Cardinales?
Ex part. 5. tr. 2. Ref. 31.

§. 1. **R**espondeo affirmatiuè cum Lancelloto in *Templo iud. lib. 2. c. 2. de Cardin. 3. n. 26.* Co-uarr. *cap. quia nos, n. 5. de testam. Laudensi de Cardin. part. 2. q. 80.* Manfredus de *Cardin. c. 8. priuileg. 8.* Albano de *Cardin. q. 42. priuileg. 27.* Germonio *tr. de indul. Card. §. quod in Romanam. n. 3.* Molina de *iust. tom. 1. tract. 2. disp. 229. n. 8.* Azorio *tom. 2. lib. 4. c. 3. q. 20. priuileg. 11.* & Zechio de *Republ. Christiana tit. 3. de Cardin. n. 9. priuileg. 8.* vbi sic ait, Cardinales liberantur à patria potestate in his, quæ ipsis sunt commoda, non ita tamen ut amittant ius suorum heredum. Ita ille. Et reuera si hoc priuilegio gaudent qui à consilio sunt Imperatori, aut Regi, quanto magis illo gaudere debent, qui à consilio sunt Summo Pontifici, & ita hanc sententiam præter Doctores citatos tenet etiã Cuchus in *inst. can. li. 2. tit. 4. n. 87.* vbi sic ait. Fruuntur quoque hoc priuilegio Cardinales quod absoluuntur à patria potestate, non tamen ut iura suorum heredum amittant, sed hæcenus dumtaxat, quatenus ipsis futurum est commoda, hinc etiam filij familias testari non prohibentur de bonis, quæ habeant prius quam efficerentur Cardinales, vel quæ ad eos peruenerint à coniunctis sanguine.

RESOL. XXVIII.

An Cardinales, si sint in Patrimonialibus diuites, possint adhuc viuere de redditibus Ecclesiasticis? Ex p. 5. tract. 2. Ref. 38.

§. 1. **R**espondeo affirmatiuè cum Manfredus de *Cardi. decis. 183.* vbi sic ait, Cardinales possunt viuere de redditibus Cardinalatus, & conferuare patrimonium proprium, etiam quod esset amplius, & possunt in victu uti pluribus ferulis. Ita ille, & ante illum hanc questionem fuscè pertractauit Barbatia de *Cardinal. quæst. 6. per totam.* vbi per negatiua sententia adducit plures textus. Sed tandem post multa *nu. 16.* affirmatiua adheret, vbi *num. 18.* asserit quod Cardinales honorabilius debent vestire familiam suam, quam faciant alij Prælati inferiores, est enim eorū dignitas amplissima, ut visum est in prima resol. huius tractatus. Vnde rectè Germonius de

sacra immunit. lib. 3. c. 6. n. 71. asseruit, mirum non videri, si ad tantam dignitatis amplitudinem, grauitatem, & auctoritatem retinendam vario & sumptuoso ornatum in vestibus, familia & ædibus vti eos oporteat.

RESOL. XXIX.

An Cardinalibus egentibus teneatur Summus Pontifex subuenire?

Et curiosum, notabile adducitur de sanguinis emissione Cardinalium, id est, Cardinales ægritudine laborantes non posse sanguinis emissionem pati sine speciali licentia Papæ. Ex part. 5. tr. 2. Ref. 33.

§. 1. **R**espondeo affirmatiuè cum Azorio *to. 2. lib. 4. c. 2. q. 20.* Albano de *Cardin. q. 42.* Manfredus de *Cardinal. decis. 146.* Lorichio in *Thesau. ver. Cardin. §. 7.* Bagno de *Ecol. dignit. tr. 11. fol. 183.* Lancelloto in *Templo iudic. lib. 2. c. 3. §. 2. n. 21.* Martino Laudensi de *Card. q. 6.* & aliis communiter, caput enim membris suis indigentibus succurrit. Vnde, ut obseruat Cuchus in *inst. can. lib. 2. tit. 4. num. 132.* non defuerunt qui opinati sunt Cardinalibus indigentibus fisci Apostolici redditus communicandos esse. Et ita tenet Dominicus in *c. vbi periculum, de elect. in 6.* & Laudensis de *Card. q. 27.* & reuera si D. Paulus ad *Ephef. 5. ait, Nemo carnem suam odio habet, sed magis nutrit, & fouet eam, ut etiam habetur in c. non asserimus 15. q. 2.* sequitur quod Pontifices egenis Cardinalibus non subuenientes, contra dictum D. Pauli, carnem suam odio habent, neque nutriunt, & fouent eam, quod aperte probatur. Nam Cardinales dicuntur inuiscerati Papæ, & dicuntur pars corporis Papæ, & vna persona cum illo, ut habetur in *cap. felicis, de penis in 6.* & docet Barbatia *tr. de Cardin. q. 12. n. 6.* Manfredus de *Cardin. c. 8.* Iacobatius de *Conciliis, lib. 1. fol. 89. col. 1. lit. A.* Tuschus *tom. 1. concl. 100. num. 13.* Turretremata *lib. 1. de Eccles. 81.* Romanus *conf. 498. nu. 7.* Villadiego de *Cardin. q. 2. nu. 11.* & alij communiter ex qua causa ego puto, quod est valde notandum, Cardinales ægritudine laborantes, non posse sanguinis missionem pati, sine speciali licentia Papæ, vbi posset commodè haberi: ut ex Hostiensis docet Petrus in *Pentateuco fidei, tr. 3. dub. 3. cap. 8. n. 81.* Villadiego de *Cardin. q. 5. n. 13.* Garzias de *nobilit. Hisp. gl. 48. §. 3. nu. 47.* Mosconius de *maiestate militan. Ecol. lib. 1. p. 1. c. 5.* Iacobatius *vbi supra, fol. 34. col. 1. lit. A.* & Manfredus de *Card. decis. 180.* Et reuera si dignitas Cardinalium tanta est, ut explicauim in *resol. 1.* & in tota serie huius tractatus, & sit æqualis in omnibus, nescio qua ratione vnus debeat abundare, & plures penuriam pati.

RESOL. XXX.

An Cardinales teneantur soluere decimas pro generali aliquo subsidio à Pontifice imposte?

Et an Cardinalis pensionarius teneatur contribuere ad Popalem decimam pro rata pensionis? Ex part. 5. tract. 2. Ref. 68.

§. 1. **A**ffirmatiua sententiam tenet Bellon. *tr. de subsidio charit. quæst. 66.* vbi contra Romanum *conf. 493.* probat quod quando subsidium imponitur pro expeditione contra infideles, teneantur Cardinales soluere decimas, quia dispositio fauorabilis comprehendit etiam Cardinales, sed nullus maior fauor est, quam fidei, ut patet ex *cap. 2. de conuers. infidel. ergo.*

2. Sed